



**Äntwert vum Här Sportsminister op d'parlamentaresch Fro n° 7598 vum 15. Februar 2023
vum honorabelen Deputéierten Här Sven Clement.**

De Contrôle médico-sportif, gëtt no Krittären a Prozeduren ofgehalen déi am ofgeännerte groussherzogleche Règlement vum 23. Dezember 2016 virgesi sinn, a gehéiert zum Volet vun der Preventivmedezin.

All Sportler*in soll ënner de beschtméigleche Konditiounen sengem Kompetitiounssport nogoe kenne mat esou ma wéi méiglechem Risiko fir seng Gesondheet. Fir genau dat sécher ze stelle gëtt et de Kontroll vum Médico-sportif.

Falen an dësem Kontroll gesondheetlech Problemer op, déi et net zouloossen, dass de Sportler*in ouni Risiko fir seng Gesondheet ka Kompetitiounssport maachen, gëtt eng Inaptitude temporaire ausgestellt an en Bilan beim Hausdokter oder engem Spezialist ugefrot.

Op Grond vun dem Resultat vun dësem Bilan gëtt dann entweder eng aptitude, eng aptitude temporaire oder awer och ganz rar eng inaptitude definitiv ausgeschwat.

1. Wei vill Prozent vun de Leit, déi an de leschte 5 Joer fir eng Lizenzerneuerung bei de Sportsdokter gaangen sinn, goufen zäitweileg inapte oder komplett inapte erkläert?

Bei de folgende Prozentzuele gëtt keen Ënnerschied gemaach tëschent engem éischte Médico an engem Médico fir eng Lizenz ze erneieren.

Op den 31/12/2018 waren 392 (2,9%) Dossieren am Statut Inapte temporaire.

Op den 31/12/2019 waren 391 (2,9%) Dossieren am Statut Inapte temporaire.

Op den 31/12/2020 waren 282 (3,7%) Dossieren am Statut Inapte temporaire.

Op den 31/12/2021 waren 387 (2,4%) Dossieren am Statut Inapte temporaire.

Op den 31/12/2022 waren 830 (4,8%) Dossieren am Statut Inapte temporaire.

2018 ass kee Sportler*in definitiv Inapte fir de Kompetitiounssport geschriwwen ginn.

2019 sinn zwee Sportler*in definitiv Inapte fir de Kompetitiounssport geschriwwen ginn.

2020 ass ee Sportler*in definitiv Inapte fir de Kompetitiounssport geschriwwen ginn.



2021 ass ee Sportler*in definitiv Inapte fir de Kompetitiounssport geschriwwen ginn.

2022 ass kee Sportler*in definitiv Inapte fir de Kompetitiounssport geschriwwen ginn.

D'Prozentzuele vun den Inaptitude temporaire sinn eng Momentopnam an deemno wéineg aussokräfteg. Esoubal den ugefrote Bericht vum Hausdokter oder Spezialist an der Division médico-sportif ukënnt, gëtt den Dossier iwwerschaaft an de Statut geännert an apte temporaire oder beschtefalls an apte, wann de gesondheetleche Problem behandelt gëtt an et dem Sportler*in erlaabt ouni grouse Gesondheitsrisiko sengem Kompetitiounssport nozegoen.

2. Wat sinn déi 3 heefegste Grënn fir dës Decisioun vum Sportsdokter?

Déi 3 heefegst Grënn fir en Zousaz Bilan ze froe sinn:

- a) Cardio-vasculaire Pathologien,
- b) Obésité grave –morbide an
- c) Orthopädeg Pathologien.

3. No enger Visitt bei engem Generalist oder Spezialist, wéi an sou engem Fall vum Médico virgeschriwwen, bei wéi ville Leit, déi inapte erkläert goufen, confirméiert den 2ten Dokter d'Analys vum Médico (a Prozent)?

Bei enger definitiver Inaptitude läit meeschtens e gravéierende cardio-vasculairë Problem fir an d'Entscheidung gëtt mat den Experten aus de Clinique du Sport geholl. Pro Joer ass Zuel vun dësen Decisiounen absolut seelen a baséiert op de Guidelines vun der Société cardiologique européenne.

Falls den 2ten Dokter bei enger Inaptitude temporaire en aneren Avis huet wéi den Dokter aus dem Médico läit et meeschtens dorunner, dass en de Patient*in scho jorelaang kennt an dofir méi wäitreechend Informatiounen iwwer säi Patient*in huet. An dësen Dossiere kann de Médico a bal all de Fäll, op Grond vun den Zousaz Informatiounen, seng Analysen upassen. Dëst weist jo och di ganz niddereg Unzuel un inaptitude definitiv Dossieren déi iwwereg bleiwen.



4. Wat sinn déi 3 heefegste Grënn fir 2 ënnerschiddlech Analyse vum Médico an dem 2ten Dokter?

Eng Lescht vun den dräi heefegste Grënn gëtt et net, well all Dossier an der Divisioun médico-sportif individuell beaarbecht gëtt an een dofir iwwer d 'Grënn keng Statistik féiere kann.

Luxembourg le 15 mars 2023

Le Ministre des Sports

(s.) Georges Engel